


詞學叢書



詞學叢書



精選名儒草堂詩餘總目

唐宋名賢詞行於世尙矣方今車書混一名筆
不少而未見之刊本是編輒欲求備不可姑撫
拾所得才三百餘首不復次第刊爲前集江湖
大寬俊傑何限儻有佳作毋惜緘示陸續梓行
將見愈出而愈奇也

卷上

十四人計六十二首

太保劉公

二首

魯齋許

衡仲平

三首

文山文履善天祥

一首

中齋鄧光薦中甫

三首甫二字疑衍

案鄧光薦名剡中

須溪劉會孟辰翁

原四首樊榭增一首

西菴楊

二首

案楊西菴名果

善甫杜

二首

天遊詹

玉可大

九首

玉霄滕

賓

六首

九臯司馬昂夫

三首

吳吾彭元遜

二十首

通甫曹

一首

信卿高

一首

醉菴謝

四首

卷中

二十五人計六十八首

壺秋羅志仁

七首

江村姚雲文

原八首樊榭增一首

青山趙

文

九首

樵雲楊

三首

梅溪李

琳

三首

梅洞宋

遠

一首

玉霄滕

賓

一首原本缺

秋陽周

景

一首

養吾劉將孫

一首

高峯蕭烈

一首

青原劉

改正

一首原本誤在鞠華翁之後今

竹澗王學文

一首

橫舟曾

隸一首

晚山趙功可

八首

水村黃

一首

復之危

一首

个翁姜

一首

華翁鞠

一首

芳遠彭

一首

山隱戴

一首

裕翁李

一首

端是龍

一首

東父蕭

一首

吟竹顏子俞

原二首樊榭增四首今又增一首

山樵王從叔

五首原本此下有彭履道刪去

卷下

二十四人計七十三首

靜得王夢應

原二首樊榭增二首

山庭吳元可

四首

鼎玉劉鉉三首

五首

太古李

履道彭

三首原本在曾允元之後誤

蓬甕黃子行六首

紫蓬龍一首

竹屋蕭允之六首

吟所蕭漢傑四首

嬾融段宏章一首原本缺

桂所劉貴翁一首

霽宇黃一首原本缺

梅邊王鼎翁

一首

雲閑劉

六首

半湖張

二首原本缺

溪山劉

四首

霽海周

二首

琴泉尹

二首

仁飛李天驥

一首原本缺

定叟劉

一首

梅心周

三首

澗民尹

五首

會心彭

三首

鷗江曾

四首

上中下三卷計六十三人共詞二百三首以讀
畫齋刊本冬讀書齋嚴氏手鈔厲樊榭本合校
重加勘定嘉慶辛未春閏三月秦伯敦父識

精選名儒草堂詩餘總目終

精選名儒草堂詩餘卷上

廬陵鳳林書院輯

太保劉公

順德○初名侃字仲晦其先瑞州人也曾祖官邢州遂家焉至元二年拜

光祿大夫太保參領中書省事更名秉忠詔翰林學士竇默女妻之賜第奉先坊齋居蔬食澹然不異平昔書得魯公法行草獨師二王自號藏春散人有集十卷

木蘭花慢

混一後賦

望乾坤浩蕩曾際會好風雲想漢鼎初成唐基始建

生物如春東風吹徧原野但無言紅綠自紛紛

一作芬

花月留連醉客江山憔悴醒人

龍蛇一屈一還伸

未信喪斯文復上古淳風先王大典不費經綸天君

幾時揮手倒銀河直下洗囂塵鼓舞五華鸞鴛謳歌
一角麒麟

朝中措

書懷

布衣藍縷曳無裾十載苦看書別有照人光彩驪龍
吐出明珠 天人學業風雲氣象可困泥塗隨著傳
巖霖雨大家濟潤焦枯

魯齋許衡仲平

中原

滿江紅

別大名親舊

河上徘徊未分袂孤懷先怯中年後此般憔悴怎禁
離別淚苦滴成襟畔濕愁多擁就心頭結倚東風搔

首謾無聊情難說
黃卷內消白日青鏡裏增華髮
念歲寒交友故山烟月虛道人生歸去好誰知美事
難雙得計從今佳會幾何時長相憶

又書懷

親友留連都盡道歸程匆逼還可慮干戈搖蕩路途
艱阨萬事豈容忙裏做一安惟自閒中得便相將妻
子抱琴書青山側
行與止吾能識成與敗誰能測
但粗衣淡飯小窻容膝桑柘安排投老地詩書準備
傳家集便蘇張重起論縱橫心難易

沁園春

墾田東城

月落簷西日出籬東曉枕睡餘喚老妻忙起晨飧供
具新炊藜糝舊腌鹽蔬飽後安排城邊墾圃要占蒼
烟千畝居閒設裏把從前荒穢一旦驅除爲農換
却爲儒任人笑謀身拙更迂念老來生業無他長技
欲期安穩敢避崎嶇達士身名豪一作貴家驕蹇此好
胸中一點無歡然處有膝前兒女几上詩書

文山文天祥

廬陵

沁園春

至元間留燕山作

爲子死孝爲臣死忠死又何妨自光岳氣分士無全
節君臣義缺誰負剛腸罵賊睢陽愛君許遠留得聲

名萬古香後來者無二公之操百鍊之鋼 人生翕
歟云亡好烈烈轟轟做一場使當時賣國甘心降虜
受人唾罵安得流芳古廟幽沈遺容儼雅枯木寒鴉
幾夕陽郵亭下有奸雄過此仔細思量

中齋鄧光薦

滿江紅

和王昭儀題壁

王母仙桃曾親醉五雲春色誰信道鹿銜花去浪翻
鰲闕眉鎖嬌蛾山宛轉髻梳墮馬雲歆側恨風沙吹
透漢宮衣餘香歇 霓裳散庭花滅斜陽燕應難說
想春深銅雀夢殘啼血空有琵琶傳出塞更無環珮

鳴歸月又爭知有客夜悲歌壺敲缺

唐多令

雨過水明霞潮回岸帶沙葉聲寒飛透窗紗堪恨西
風吹世換更吹我落天涯寂寞古豪華烏衣日又
斜說興亡燕入誰家惟有南來無數雁和明月宿蘆
花

浪淘沙

疎雨洗天清枕簟涼生井梧一葉做秋聲誰念客身
輕似葉千里飄零夢斷古臺城月淡潮平便須攜
酒訪新亭不見當時王謝宅烟草青青

須溪劉辰翁

蘭陵王

丙子送春

送春去春去人間無路秋千外芳草連天誰遣風沙
暗南浦依依甚意緒謾憶海門飛絮亂鴉過斗轉城
荒不見來時試燈處春去最誰苦但箭雁沈邊梁
燕無主杜鵑聲裏長門暮想玉樹凋土一作霜淚盤如
露咸陽送客屢回顧斜日未能渡春去尙來否正
江令恨別庾信愁賦蘇隄盡日風和雨歎神遊故國
花記前度人生流落顧孺子共夜語

大酺

春寒